



Islamski kulturni centar Bošnjaka
Džemat "Dr. Irfan Ljubijankić"
Buchs SG & Liechtenstein

ZAŠTO MEKTEB?



Mektebska nastava u vašem džematu – Islamskom kulturnom centru Bošnjaka Džemat „Dr. Irfan Ljubijankić“ počinje 17. augusta 2025. godine.

Ovim putem vas želimo upoznati s nekoliko bitnih činjenica te vas pozvati da uradite pravu stvar – i upišete vašu djecu u mekteb.


Ako postavljate pitanje zašto upisati dijete u mekteb, odgovore imamo i vjerujemo da je ovih nekoliko, sasvim dovoljno da u vama prevagne odluka da vašu djecu upišete u mekteb.

EVO ZAŠTO:

- Jedna od glavnih islamskih dužnosti je podučiti svoju djecu osnovnim islamskim propisima i odgojiti ih u duhu Islama. Muhammed, a.s., je rekao: **"Roditelj je obavezan prema djetetu: da mu da lijepo muslimansko ime, da ga lijepo odgoji, da ga poduči pismenosti, plivanju i odbrambenim vještinama, da ga izdržava imovinom zarađenom na dozvoljen način i da mu pomogne da se oženi, odnosno, ako je kćerka, uda kad dođe vrijeme za to."**
- Želimo sebe i svoju djecu da sačuvamo od raznih ovodunjalčkih iskušenja, kao i od džehennemske vatre koja je pripremljena za one koji se ogluše o Allahove, dž.š., propise. **"O vi koji vjerujete, sebe i svoje porodice čuvajte od vatre..."**(Et -Tahrim, 6.)
- Želimo da iza sebe ostavimo odgojenu djecu koja će živjeti u Islamu i upućivati dovu Allahu, dž.š., za svoje roditelje i na najbolji način čuvati uspomenu na njih. Muhammed, a.s., je rekao: **"Kada čovjek umre prekida se mogućnost pristizanja sevapa za dobra djela, osim u tri slučaja: ako je iza sebe ostavio valjano i hairli u Islamu odgojeno dijete koje mu dovu čini, - ako je ostavio trajnu sadaku - vakuf, koji i poslije njegove smrti koristi ljudima i - znanje kojim se ljudi koriste i poslije njegove smrti."**
- Hoćemo da naša djeca upoznaju osnovne islamske propise, da razumiju smisao, potrebu i opravdanost tih propisa i da se naviknu da ih praktično primjenjuju, kako bi govorom i djelom bili istinski muslimani.

- Želimo da naša djeca saznaju šta im je kao muslimanima halal-dozvoljeno, a šta haram-zabranjeno činiti, jer će samo ako budu radili dozvoljeno, a čuvali se zabranjenog, biti uspješni na ovom i budućem svijetu, te da nauče kakvo zlo i propast donose: alkohol, droga, prostitucija, krađa, laž, sijanje smutnje, ogovaranje itd. i da se toga čuvaju.
- Želimo da se naša djeca druže i upoznaju sa drugom djecom, koja također baštine islamske vrijednosti sa svojom porodicom.
- Hoćemo da naša djeca izgrade privrženost prema džematu i svojoj Islamskoj zajednici, domovini Bosni i Hercegovini, Kosovu ili Sandžaku te prema svemu drugom što je napredno i humano.
- Želimo da nam djeca budu sretna i ponosna što pripadaju ummetu Islama, a ne da se toga stide. Allah, dž.š., kaže u Kur'anu: **"Naredi djeci svojoj da obavljaju namaz i istraj u tome... A samo one koji se Allaha budu bojali i grijeha klonili čeka lijep svršetak."** (Taha, 132.)
- Hoćemo da naša djeca znaju bosanski jezik, kojem narodu pripadaju i šta njihov narod baštini od kulture i tradicije.

ŠTA NUDIMO?



U našem mektebu nudimo:

- Moderno opremljene i čiste učionice,
- Kreativan rad s vašom djecom, učenje i odgoj u skladu s najnovijim pedagoškim standardima,
- Redovna iznenađenja za vašu djecu u lijepoj i ugodnoj atmosferi,
- Obilježavanje bitnih datuma i godišnjica uz igru i kreativno izražavanje,
- Potrebnu literaturu, materijale i drugo,
- Dostupnost za sva eventualna pitanja, kritike, sugestije i slično.

BUJRUM!

**RADUJEMO SE SUSRETU,
OČEKUJEMO VAS!**



**ISLAMSKA ZAJEDNICA
BOŠNJAKA U ŠVICARSKOJ**